

歷代畫家詩文集

王仲山先生詩選(一)

台灣學堂書局印行

王仲山先生詩選
(一)



歷代畫家詩文集

國立中央圖書館藏本

王仲山先生詩選

明·嘉靖刊本
景印本精裝二冊

撰者：明·王

出版者：臺灣學生書局

代表人：馮愛羣

發行者：臺灣學生書局

臺北市和平東路一段一五〇號
郵政劃撥帳戶二四六六號
電話：二一〇九七・三七三四六七

定價新台幣五〇〇元

中華民國六十年八月景印初版

本公司經內政部核准登記證為內版業字第一四號

6018

版權所有・翻印必究

新學社

PDG

刻仲山詩選引

天官書云斗南之墟台光所應故
世多奇逸生焉仲山先生卓穎少
達志復邁往睨視當世務曾無一
罣意者嘗自言欲屏居三十年讀
盡天下有字書建述以畢志竟牽
疾願未克遂而於詩特不廢原筮

齊集者前若干卷皆宦遊時作後
若干卷則歸來時作也先生

簡命之廣臬年正強仕方膺中途
易筮得甘節亟浩然歸恒情吧呀
冒苟斯甚而今乃爾傳云鴻飛冥
冥先生有焉既歸乃耕於九里澤
闢山寶界每於養志課書之暇肆

意游眺感物興懷口隨占詠當其
意得縱筆續續不少休間出短章
寥落不數句或時燕偃趺坐嘿嘿
噤不出一語是莫得而測也古人
居閒類多記言名之日錄今觀是
編慮泊而思遠事核而理真凡一
草一木一蟲一禽與夫可欣可賞

一切感觸胥斯焉發之故是之集
實與所謂日錄者同旨雖直謂之
詩曆也亦宜如玄音泯泯妙出象
外者予何能知千載後復有楊子
雲自當印可之

嘉靖癸丑仲稷望日感蒼老人榮
陽潘符謨

王仲山先生詩選卷之一

門人殷邦靖校選

門人鄭伯興編輯

五言古詩

閔曆三首寄潜坤文溪二子鄙夫寡
識僅同耕鑿之謠驗志陳規願抒
本實之賦不惜瓊瑤永對琴瑟

陽氣乘時運肇作羣物熙浚風自震谷秉

壁迓青祗禮樂布青陽周文盛于斯丹幕
設廣庭東序列五旗三朔閭闔啓穆穆玄
袞垂羣后讓在位工奏協咸池自天降元
祉敷錫于百釐

其二

放勲慎玉衡首政欽授時君子勵世猷小
人懋其私條風順節至零雨何祁祁茅茨
有耆老桑林無附枝刈稻作春酒載績紉

為衣但知耕者樂不悟豐澤瀰大庭往有
慕無為端在茲

其三

懸弧啓長途稅駕百慮已六齡始解文荏
苒復三紀不惑逝虛欽知非來可企釋褐
自茲辰泰階平如砥仰觀多遜臣俯際擊
壤里於休哉皇風疇能讚神理願廁末位
歌比德於太始班都陳五詩張京思克已

麗辭恐非經慌惘以二子

秋七月陸白庵奉使歸吳過張灣同

登津樓作

高樓俯廣術微月照綺櫳置酒此良會倚
檻偶相從上都奠鴻樞表裏列提封鬱哉
休明代佳氣纏紫宮羨爾蘭輿使暫隨南
飛鴻

徒御儼戒裝明發子獨行行行入故里桑

梓有餘情春禽鳴高陸園卉應時榮入山
歌伐木臨流思濯纓君子有高躅豈羨衣
錦榮

君歸理情性繫予乃留滯上書幾愆期沉
憂此沙際落葉何蕭蕭登樓北風厲同此
賞心人湖上自搖曳東山有草堂為予剪
荆杞

送陳祠部守廣州五解

東風吹江樹鳥鳴何嚶嚶清晨携斗酒送
子東南征僕夫蚤嚴駕前驅已抗旌攀歡
靡相及嬋媛我中情

一解

悠悠子于邁行行日云遠夕宿瀟湘濱朝
登朱明坂同心而離居何由展嬋婉瞻望
去路塵腸如車輪轉

二解

廣州多耆老皇皇下車情叔來嗟遲暮道
上壺漿迎千里結慕思何以慰屏營亮懷

璿璣美下國揚休聲

三解

訟庭多休暇運甓為我師志士存遠圖計
德宜及茲京邑茂才賢愧予薄劣姿輔車

既離絕常恐墮馳驅

四解

馳驅亦何益願言諧素襟皎皎猿鶴羣要
我乎中林形影在異域君子無遐心飄飄

晨風發遲爾金玉音

五解

送趙職方三首

天風吹濠冰送子城南端徒旅慘不發長
路浩漫漫同棲玆樹枝今日忽分翰冠經
儼在途容墨淚闌干言別在須臾且復傷
其艱情思靡終極願言加薄餐

征車俟河濱游子在路岐行行且復留執
手零淚滋玄雲垂四陸高堂黯無輝霜露
沾衣帶日暮薄言歸寸腸枉自結憂至焉
能揮因君感予衷喟焉五內摧

予悲將柰何沈勢不能理呼天而兒啼劇
憂從中起薄言采其蘭日晏不遑已與子
俱有心色養終已矣誦彼白華篇粲粲希
令子終將樹德聲保之在遺體

呈伯兄子行

平輿稱二龍京兆權一株過庭有嘉訓詩
禮破昏愚哲兄在朝列拙訥守園廬跂予
取代耕兄乃棄華裾浮沉豈足云所恨在

離居歲時展嬾會無由奉懽娛逍遙九峯
展迢遞三江艫窮幽採靈藥啓籥綜素書
京洛多風塵素衣化為緇歸期及玄髮與
兄煉還虛

寄繕部陳子虛

晨策發囂市下舫昕嘉對悠悠行役心日
暮聊容與潞水多長風沙岸迷花霧有美
西江英恭承少府務侃侃楊子箴翼翼班